



Ս Փ Յ Ո Ւ Ռ Ք Ո Ւ Մ

Ս. ՆԵՐՍԵՍ ԱՍՏՎԱԾԱԲԱՆԱԿԱՆ ՎԱՐԺԱՐԱՆԻ ՆՈՐ ԾՐԱԳԻՐԸ

Գեր. տ. Թորգոմ արքեպ. Մանուկյանը, որպես նախագահը և Ներսես վարժարանի վարիչ մարմնի, մեզ հաղորդում է, որ բարեջնորհ Հովհաննես սրկ. Գաապարյանը ուսուցիչ է նշանակվել Նյու-Յորքի հայոց առաջնորդարանի հովանու ներքո դաստիարակվող քահանայացու աշակերտների, որոնք սովորում են Գրեստվորդ (Նյու-Յորք) և Վլադիմիր օրթոդոքս ճեմարանում: Այս նոր պաշտոնի ստեղծումով աշակերտները առիթ են ունենում սովորելու հայերեն, գրաբար և աշխարհաբար, ծիսագիտություն, կրոնական արարողություններ, շարականներ, ազգային-եկեղեցական պատմություն և այլ եկեղեցագիտական առարկաներ, բացի իրենց առօրյա դասընթացներից, որոնց հետևում են, համաձայն և Վլադիմիր ճեմարանի ուսումնական ծրագրի:

Հովհաննես սարկավագի պարտականությունն է նաև գտնել ու պատրաստել ոչ միայն հոգևոր պաշտոնյաներ, այլև այնպիսի երիտասարդներ, որոնք կարողանային եկեղեցու մեջ ուրիշ պաշտոններ կատարել. լինել կիրակնօրյա վարժարանների տեսուչներ, ուսուցիչներ, երիտասարդաց կազմակերպության ղեկավարներ և այլն:

Ս. Վլադիմիր աստվածաբանական ճեմարանի տեսուչ հայր Ալեքսանդր Շրմեմենին հայտնել է նաև և Ներսես վարժարանի վարիչ մարմնին, որ և Վլադիմիր ճեմարանը տրամադիր է հաշագիտական և եկեղեցագիտական հայկական դասընթացները ընդունել ակադեմիական չափանիշով՝ իբրև մաս ճեմարանի ընդհանուր ծրագրի: Այս նախաքայլով կարելի կլինի ստեղծել հայ եկեղեցագիտական մի մասնաճյուղ՝ իբրև ամբողջական մաս ճեմարանի ուսումնական ծրագրի:

Ծրագրվում է նաև հիմնել մի հայկական տուն ճեմարանի մեջ, հայ ուսանողների համար, երբ նրանց թիվը հասնի յոթի, որպեսզի այն դառնա ոչ միայն բնակարան, այլև

ուսումնարան՝ հայ աշակերտներին եկեղեցագիտական և հայկական գիտելիքներ սովորեցնելու:

1969—70 ուսումնական տարում չորս հայ երիտասարդներ (ամերիկահայեր) արձանագրվել են և Վլադիմիր ճեմարան՝ սովորելու: Երկու այլ ուսանողներ սովորում են աստվածաբանական այլ ճեմարաններում:

Ներկայումս մեծ կարիք է զգացվում հոգևորականների, ինչպես նաև եկեղեցական այլ ասպարեզների համար պաշտոնյաների՝ Ամերիկայի թե՛ արևելյան և թե՛ արևմտյան թեմերում: «Հունձքը շատ է, բայց մշակները՝ քիչ»: Հոգևոր ծառայության կոչված մեր երիտասարդները ծրագրված է, որ, ԱՄՆ-ի մեջ ստանալուց հետո իրենց ընդհանուր ու հիմնական կրթությունը, որոշ ժամանակ էլ կատարելագործվեն և էջմիածնում կամ Միջին Արևելքում գտնվող հայկական կրոնական հաստատության մեջ, որպեսզի առավել ևս թրծվեն հայ հոգով ու շնչով: Ամերիկայի մեջ մեր եկեղեցու կենսունակությունը կախված է եկեղեցական և աշխարհիկ մեր հավատավոր գործիչներից: Եթե այժմ կարող ղեկավարների պատրաստության հարցը չծրագրվի, ապա վաղը հայ համայնքը կարող է կանգնել մտահոգիչ կացության առաջ: Հոգևորականության և կամ եկեղեցու այլ աշխարհական ասպարեզների թեկնածության համար դիմողները կարող են հաղորդակցվել և Ներսես վարժարանի վարչության հետ, գեր. տ. Թորգոմ արքեպ. Մանուկյանի, ինչպես նաև արևելյան թեմի առաջնորդ գեր. տ. Նիդիե եպս. Սիմոնյանի հետ:

Հանուն Հայոց Հայրապետի ջերմորեն ողջունում ենք և Ներսես վարժարանի վարիչ մարմնի նախագահի և անդամների արտագին նախաձեռնությունը և հաջողություն մատչվող բարեջնորհ Հովհաննես սրկ. Գաապարյանին՝ իր նոր և պատասխանատու պաշտոնի և ծառայության մեջ: